

史
通
削
繁

史通削繁卷四

雜說中

諸晉史

臧氏晉書稱符堅之竊號也。雖疆宇狹於石虎。至於人物則過之。案後石之時。張據瓜涼。李專巴蜀。自遼而左。人屬慕容。涉漢而南。地歸司馬。逮於符氏。則兼而有之。禹貢九州。實得其八。而言地劣於趙。是何言歟。夫學未該博。鑒非詳正。凡所脩撰。多聚異聞。其爲踳駁。難以覺悟。案應劭風俗通。載楚有葉君祠。卽葉公諸梁廟也。而俗云孝明帝時。有河東王喬爲葉令。嘗飛鳬入朝。及于

致字原作故
字不誤梁武
方照通史故
以其不經而
載之小說耳
遮字一作地
字是

寶搜神記。乃隱應氏所通。而收流俗怪說。又劉敬叔異苑。稱晉武庫失火。漢高祖斬蛇劍穿屋而飛。其言不經。致梁武帝令殷芸編諸小說。及蕭方等撰三十國史。乃刊爲正言。旣而宋求漢事。旁取令升之書。唐徵晉語。近憑方等之錄。編簡一定。膠漆不移。故令俗之學者。說鳬履登朝。則云漢書舊記。談蛇劍穿屋。必曰晉典明文。遮彼虛詞。成茲實錄。語曰。三人成市虎。斯言其得之者乎。近者宋臨川王義慶著世說新語。上敘兩漢三國。及晉中朝江左事。劉峻注釋。摘其瑕疵。僞跡昭然。理難文飾。而皇家撰晉史。多取此書。遂採康王之妄言。違孝標之

正說以此書事。奚其厚。顏楊王孫布囊盛尸。裸身而葬。伊籍對吳。以一拜一起。未足爲勞。求兩賢立身。各有此一事而已。而漢書蜀志。爲其立傳。前哲致譏。言之詳矣。然楊能反經合義。足矯奢葬之僭。伊以敏辭辨對。可免使乎之辱。列諸篇第。猶有可取。近者皇家。撰晉書。著劉伶。畢卓。傳其敘事也。直載其嗜酒沈湎。悖禮亂德。若斯而已。爲傳如此。復何所取者哉。

後石

原注田融趙史謂勒爲前石虎爲後石也

涼蜀遼漢符氏兼之

前涼錄張

天錫十三年苻堅遺苟萇來伐天錫拒戰赤岸爲秦所敗而縛降秦涼亡又前秦錄甘露十二年涼州平以梁熙持節鎮姑臧按此符氏之兼瓜涼也而後石時則張重華據之蜀錄李特起兵至勢降晉晉書載

記符堅以王猛爲中書令風化大行仇池氏楊世以地降於堅是歲有赤星見於西南於占明年當平蜀堅命秦梁密嚴兵備晉梁州刺史楊亮退守磬險堅遣王統朱彤寇蜀毛當徐成率步騎入自劍閣楊安進據梓潼當遂陷益州於是卬夜郎等皆歸之堅以安爲益州牧鎮成都按此符氏之兼巴蜀也而石氏則未能有蜀前燕錄慕容容廐世居遼左廐子跳遷都龍城號新宮曰和龍號子雋取鄴自薊遷鄴雋子暉十一年秦來伐拔鄴城徙暉并諸鮮卑四萬戶於長安前秦錄堅入鄴宮閱其圖籍凡郡百五十七縣千五百七十九以王猛爲冀州牧鎮鄴按此符氏之兼遼左也而石虎時慕容方興虎嘗兵挫遼西棄甲而遁晉書載記堅遣其尙書令丕率慕容暉等寇襄陽楊安將樊鄧之衆爲前鋒石越出魯陽關慕容容垂姚萇出南鄉苟池王顯從武當繼進大會漢陽師次沔北遣池越當屯江陵太元四年符丕陷襄陽堅以其中壘梁成都督荊州諸軍事領護南蠻校尉配兵一萬鎮襄陽按此符氏之兼漢南也而石氏雖果寇襄陽幸殷芸小說梁書殷芸傳芸字灌蔬不妄交遊不得志殷芸小說博洽羣書隋書經籍志小說十卷

梁武帝勅司徒左長史殷芸撰直齋書錄解題耶
書目云或題劉棟撰非也此書首題秦漢魏晉宋諸
帝注云殷芸撰非劉棟明矣故其敘事止宋初蓋於
諸史傳記中抄集或稱商芸者宜祖廟未就叶避諱
也按劉棟卽知幾子也微之蕭方等卽學紀聞蕭方
此條或題之非更不待辯矣蕭方等卽爲三十國春
秋以晉爲主附列劉淵以下二十九國通鑑晉元興
三年引方等論綱目但云蕭方誤削等字按梁書忠
壯世子方等字實相世祖長子也貞惠世子方諸字
智相世祖第二子也慈懷太子方矩字德規世祖第
四子也方乃弟第二名之共字也世祖謂元帝唐書
藝文志亦誤削等字又按隋書經籍志作蕭萬等則
又譌方爲萬也宋求漢事原注謂范唐徵晉語謂皇
誤方爲萬也宋求漢事原注謂范唐徵晉語謂皇
晉書虎虎王不信二三人言王不信三一人言市有
市之無虎也明矣然三人楊王孫見品伊籍三國蜀
言而成市虎願王蔡之楊王孫見品伊籍三國蜀
傳籍字機伯隨先主人益州遣使於吳孫權欲逆折
以辭籍適人拜權曰勞事無道之君乎籍卽對曰一

拜一起未足為勞籍之機
捷類皆如此權甚異之
稽康欣然神解攜手人林
荷鋪隨之曰死便埋我嘗
伶曰吾不能自禁當視鬼神
從之視曰天生劉伶以酒為
婦兒之言切不可聽仍
飲酒御肉塊然復醉
比合郎噴熱卓因醉夜至其
酒者所縛明旦視之乃畢吏
部也餘見書事篇

宋畧

裴幾原刪畧宋史。定為二十篇。芟煩撮要。實有其力而
所錄文章頗傷蕪穢。如文帝除徐傅官詔。顏延年元后
哀冊文。顏峻討二凶檄。孝武擬李夫人賦。裴松之上注。
國志表孔熙先罪許曜詞。凡此諸文。是尤不宜載者。何

則羨亮威權震主。負芒猜忌。將欲取之。必先與之。旣而
罪名具列。刑書是正。則先所降詔。本非實錄。而乃先後
雙載。坐令矛盾兩傷。夫國之不造。史有哀冊。自晉宋已
還。多載於起居注。詞皆虛飾。義不足觀。必以畧言之。故
宜去也。昔漢王數頃袁公檄。曹若不具錄。其文難以暴
揚。其過至於二囚爲惡。不言可知。無俟檄數。始明罪狀。
必刊諸國史。豈益異同。孝武作賦悼亡。鍾心內寵。情在
兒女。語非軍國。松之所論者。其事甚末。兼復文理非工。
熙先構逆。懷奸矯言。欺取且所爲藁草。本未宜行。斯並
同在編次。不加銓擇。豈非蕪濫者邪。近代國史。通多此

累有同白郇無足致譏若裴氏者舉作之中所可與言
史者故偏舉其事以巾椅撫云

除徐傅官詔

宋書徐羨之傳字宗文高祖踐阼進號

德羨之等廢之遷於吳郡遂加害太祖卽位進司徒
改封南平郡公又傅亮傳字季友宋國初建從還壽
陽高祖有受禪意亮悟旨曰臣暫宜還都至都卽徵
高祖人輔至於受命進向書僕射中書令少帝廢亮
至江陵迎太祖既至太祖問少帝薨廢本末悲號鳴
咽亮於是布腹心於劉彥之等深自結納太祖登祚
加左光祿大夫儀同三司進爵始興郡公劉太祖卽
文帝也其二入除官詔沈書不載元嘉三年二人皆
受元后哀冊宋書后妃傳文帝袁皇后諱齊嬀左光
祿大夫敬公湛之庶女也生子劭上待
后恩禮甚篤後潘淑妃愛傾後官因稱疾不復見上
元嘉十七年疾篤上執手流涕因引破覆而崩上甚
悼痛詔前永嘉太守所死之爲京討二凶檄宋書二
策文甚麗云云援延之字延年

元因劭文帝長子也有女巫嚴道育自言通靈劭
東陽公主白上託言善惡召入劭與始興王禧等
之號曰天師遂為巫蠱上知驚惋須檢覈廢劭賜
死以語濟母潘淑妃妃以告濟濟却劭劭詐上詔入
官行弑世祖及南譙王義宣隨王誕舉義兵檄京邑
云云又顏竣傳父光祿大夫延之竣為世祖撫軍主
簿世祖與顏延之為劭光祿大夫世祖人討任總內外并
造檄書南史延之為劭光祿大夫劭以檄文示延之
曰此筆誰造延之曰竣之筆也劭曰何擬李夫人賦
乃至爾曰竣尚不顧老臣何能為陛下擬李夫人賦
朱書孝武十四王傳始平王子鸞母殷淑儀寵子鸞
愛冠諸子淑儀薨追進貴妃諡曰宣上痛愛不已擬
漢李夫人賦曰朕以亡事棄日閱覽前王詞苑見李
夫人賦涉其有懷亦以嗟咏久之因感而會焉云云
注國志表見補罪許曜詞橫才志父默之下廷尉彭
城王義康保持之得免義康被黜熙先密懷報効數
善天文云太祖必以非道晏駕江州應出天子以為
義康當之有法靜尼出入義康家熙先善脈法靜
尼姊夫許曜領隊在臺宿衛數省嘗病熙先為合湯

一劑耀疾。卽損。因成。周旋。熙先。以耀。膽幹。因告。逆謀。耀許。爲內。應熙。先使。睦作。義康。書與。徐湛。之宣。示同。黨湛。之。上凡。所連。及並。伏誅。按罪。許詞。沈書。亦不。載。又按。裴畧。不可。得見。而以。全史。較之。所收。浮文。反。簡。於裴。故。
史通云爾。

北齊諸史

或問曰。王劭齊志。多記當時鄙言。爲是乎。爲非乎。劉曰。古往今來。名目各異。區分壤隔。稱謂不同。所以晉楚方言。齊魯俗語。六經諸子。載之多矣。自漢已降。風俗屢遷。求諸史籍。差視其事。或君臣之目。施諸朋友。或尊官之稱。屬諸君父。曲相崇敬。標以處士王孫。輕加侮辱。號以僕夫舍長。亦有荆楚訓。多爲夥。廬江目橋爲圯。南呼北。

知古二句出
論衡謝短篇
一物二句出
陶宏景傳

人曰。僖西謂東胡曰。虜渠們底箇。江左彼此之辭。乃若
君卿。中朝汝我之義。斯並因地而變。隨時而革。布在方
冊。無假推尋。足以知毗俗之有殊。驗土風之不類。然自
二京失守。四夷稱制。夷夏相雜。音句尤媿。而彥鸞伯起。
務存隱諱。重規德棻。志在文飾。遂使中國數百年內。其
俗無得而言。蓋語曰。知古而不知今。謂之陸沈。又曰。一
物不知。君子所恥。是則時無遠近。事無巨細。必籍多聞。
以成博識。如今之所謂者。若中州名漢。關右稱羌。易臣
以奴。呼母云姊主。上有大家之號。師人致兒郎之說。凡
如此例。其流甚多。必尋其本源。莫詳所出。關諸齊志。則

了然可知。由斯而言。劭之所錄。其爲宏益多矣。足以開
後進之蒙蔽。廣來者之耳目。微君懋。吾幾面牆於近事
矣。而子奈何妄加譏誚者哉。皇家修五代史。館中陸藁
仍存。皆因彼舊事。定爲新史。觀其朱墨所圖。鉛黃所拂。
猶有可識者。或以實爲虛。以非爲是。其北齊國史。或以
武定臣佐。降在成朝。或以河清事迹。擢居襄代。故時日
不接。而隔越相偶。使讀者瞀亂而不測。驚駭而多疑。嗟
乎。因斯而言。則自古著書。未能精讜。書成絕筆。而遽捐
舊章。遂令玉石同燼。真僞難尋者。不其痛哉。

處士王孫

後漢書爾衡傳。衡爲江夏太守。黃祖作書
記名。得體宜。祖持其手曰。處士正得祖意。

楚辭招隱士王孫游兮不歸春草生兮淅淅漢書韓

信傳吾哀王孫而進食豈報望乎注蘇林曰王孫如

言公僕夫舍長按僕夫疑當作役夫左傳文公元年

子也臣從之江革怒曰呼役夫宜君王之欲殺女而立職

也史記扁鵲傳扁鵲姓秦氏名越人少時爲人舍長

注守客館之司多爲夥史記陳涉世家涉旣王故人

故云舍長也人見曰夥隕涉之爲王沈沈

者楚人謂多爲橋爲圯史記留侯世家良嘗間從容

夥故天下傳之步游下邳圯上注徐廣曰圯

橋也東楚謂南呼北僮晉書周玘傳殺我者諸僮子

之圯音怡宋書索虜傳僮人謂換易爲

博世說雅量褚公乘估客船投錢唐亭住時縣令當

送客出亭吏驅公移牛屋下令問牛屋下是何物人

吏云昨一僮父來寄亭中有尊西謂東虜史記高祖

貴客權移之按所指皆北人也紀項羽伏

弩射中漢王傷胸乃捫足曰虜中吾指又婁敬傳敬

諫伐匈奴上罵曰齊虜以口舌得官後漢書光武擊

尤來大槍反爲所敗笑曰幾爲虜啞北史僭燕傳關

中謠曰太歲南行當復虜西人呼徒河爲白虜按所

指皆東渠們底箇郭注漢書云渠有其人于渠們

人也注隋唐嘉話崔湜為中書令張嘉貞為舍人湜輕之

常呼為張底揚子法言箇枚也儀禮三個注今俗名

枚曰個左傳昭公三年二惠競爽又弱一個焉南史

王鎮之傳若遣一個有以相存按渠們底箇並可兩

字連說渠們猶言他乃若君卿祭統衛孔悝之與銘

們底箇猶言那箇乃若君卿曰若纂乃考服鄭注

若乃猶法也按乃亦作迺漢書張良傳豎儒幾敗迺

公事唐韻古音古人讀若為汝史記云吾翁即若翁

漢書云吾翁即汝翁可據也東坡墨君堂記凡人和

與稱謂貴之則公賢之則君韻會敵體相卿隋唐以

來下已則稱卿按隋前已然晉庾峻傳峻子敬王衍

不與交豈吾之不置衍曰君不得為爾敬曰寤自

君我我必籍多聞籍與中州名漢北齊書帝后傳受

自卿卿必籍多聞藉通

舒傳漢兒文官連名總署按古來咸關右稱羌

惛邊朔惟漢最久遂襲以為華稱

張華杜宇注曰繼靈鑿巫山蜀人住江南羌住江北

號曰西州北史儒林傳李業興師事徐遵明鮮子靈

餽曰李生久逐差博士何所得也又北史周尉遲迥
襲洛陽齊將段韶曰西羌闕遇膏肓之病按二傳言
差正指臣奴宋書魯爽傳魏主燕南寇爽與弟秀從
關右言臣奴渡河謀歸南請曰奴與南有讎云云下
自釋云羣下於其姊姊姊姊姊姊姊姊姊姊姊姊
主稱奴猶稱臣也母姊姊姊姊姊姊姊姊姊姊姊姊
原王至問不得見愠曰兒豈主上大家子親近侍從
不知耶姊姊姊姊姊姊姊姊姊姊姊姊姊姊姊姊姊
稱爲大家北齊書神武紀何故師人兒郎爾雅釋言
觸大家又恩倖傳大家正作樂師人兒郎師人也郭
注謂人衆左傳師人多寒舊唐書封常清傳高仙芝
呼謂所召募兵曰我於京中召兒郎輩得少許物裝
束未朱墨所圖塗通武定魏晉孝武既人關齊神武
能足爲東魏孝靖帝天河清北齊書武成帝
平四年改元武定河清北齊書改元河清

周書

今俗所行周史是令狐德棻等所撰其書文而不實雅

而無檢真迹甚寡客氣尤煩尋宇文初習華風事由蘇綽至於軍國詞令皆準尙書太祖勅朝廷他文悉準於此蓋史臣所記皆稟其規柳虬之徒從風而靡案綽文雖去彼淫麗存茲典實而陷於矯枉過正之失乖夫適俗隨時之義苟記言若是則其謬逾多爰及牛宏彌尙儒雅卽其舊事因而勒成務累清言罕逢佳句而令狐不能別求他述用廣異聞唯憑本書重加潤色遂使周氏一代之史多非實錄者焉

客氣

左傳定公八年公侵齊門於陽州士皆坐列曰

顏高之弓六鈞皆取而傳觀之師退冉猛僞傷足而先又侵齊攻原正之郭士人出師奔冉蘇綽詞猛逐之顧而無繼僞鮑陽虎曰盡客氣也

令周書蘇綽傳綽字令綽歷官大行臺左丞有竹
之季文體浮華周文因魏帝祭廟羣臣畢至乃命
綽依尚書體爲大誥自是之後文筆皆依此體按今
取其書覆之頗有類王莽傳者後閔王應麟語亦云
蘇綽大誥柳虬見史牛宏見世唯憑本書重加潤色
近於莽矣柳虬官篇牛宏見世唯憑本書重加潤色
原注按宇文氏事多見於王劭齊志隋書及蔡允恭
後梁春秋其王褒庾信等事又多見於蕭韶太清記
蕭大圖淮海亂離志裴政太清實錄杜臺卿齊記而
令狐德棻了不兼採以廣其書蓋以其中有鄙言故
畧致遺

隋書

案隋史譏王君懋撰齊隋二史敘錄煩碎至如劉臻還
宅訪于方知王劭思書爲奴所侮此而畢載爲失更多
可謂尤而効之罪又甚焉者矣

劉臻還宅

隋書劉臻字宜肇位儀同三司臻性

而汝知劉儀同家乎從者不知謂臻還家于是引之

其子迎門臻驚曰汝亦來耶其子王劭思書

曰此是大人家顧盼久之力悟王劭思書

薦好經史用思既專性頗恍惚每至對食閉目凝思

盤中之肉輒為僕從所噉劭弗之覺唯責肉少數罰

厨人厨人以白劭劭依前閉

日伺而獲之其專固如此

持論微有固
意緣子元但
王褒貶不論
文章故也論
其一家之學
則所論可存
若論意旨於
行墨之外則
更有說焉昔
氏謂氏之評
皆持平之論
也

雜說下

諸史

夫盛服飾者以珠翠爲先。工績事者以丹青爲主。至若
錯綜乖所。分布失宜。則絲絢雖多。巧妙不足者矣。觀班
氏公孫宏傳贊。直言漢之得人。盛於武宣二代。至於平
津善惡。寂蔑無觀。持論如是。其義靡聞。必矜其美辭。愛
而不棄。則宜微有改易。列於百官公卿表後。庶尋文究
理。頗相附會。又沈侯謝靈運傳論。全說文體。備言音律。
此正可爲翰林之補亡。流別之總說耳。如次諸史傳實。
爲乖越。陸士衡有云。離之則雙美。合之則兩傷。信矣哉。

昔劉勰有云。自卿淵已前。多役才而不課學。向雄已後。頗引書以助文。然近史所載。亦多如是。故雖有王平所識。僅通十字。霍光無學。不知一經。而述其言語。必稱典故。良由才乏天然。故事資虛飾者矣。案宋書稱武帝入關。以鎮惡不伐。遠方馮異。於渭濱遊覽。追思太公。夫以宋祖無學。愚智所委。安能援引古事。以酬荅羣臣者乎。更有甚於此者。觀周齊二國。俱出陰山。而牛宏王劭。並掌策書。其載齊言也。則淺俗如彼。其載周言也。則文雅若此。夫。如。是。何。哉。非。兩。邦。有。夷。夏。之。殊。由。二。史。有。虛。實。之。異。故。也。世。稱。近。史。編。語。唯。周。多。美。辭。夫。以。博。採。古。文。

而聚成今說。是則俗之所傳。有雞九錫。酒孝經。房中志。醉鄉記。或師範五經。或規模三史。雖文皆雅正。而事悉虛無。豈可便謂南董之才。宜居班馬之職也。自梁室云季。雕蟲道長。平頭上尾。尤忌於時。對語儷辭。盛行於俗。始自江外。被於洛中。而史之載言。亦同於此。假有辨如酈叟。吃若周昌。子羽修飾而言。仲由率爾而對。莫不拘以文禁。一概而書。必求實錄。多見其妄矣。夫晉宋已前。帝王傳授。始自錫命。終於登極。其間賡疏。欵曲詔策。頻煩雖事皆僞跡。言並飾讓。猶能備其威儀。陳其文物。俾禮容可識。朝野具瞻。逮於近古。我則不暇。至如梁武之

居江陵齊宣之在晉陽或文出荊州假稱宣德之令或書成并部虛云孝靖之勅凡此文誥本不施行必也載之起居編之國史豈所謂撮其機要翦截浮辭者哉但二蕭陳隋諸史通多此失唯王劭所撰齊志獨無是焉

公孫宏傳贊

見編次篇按彼言宜居武宣紀末此言宜列公卿表後兩論皆通

謝靈

迎傳論

其畧曰六義所因四始攸繫屈宋導於前賈

安曹氏緯

文被質自漢至魏文體三變原其應流所

始莫不同祖

風騷降及元康潘陸特秀自建武暨於

義熙仲文

革孫許之風叔源變太原之氣爰逮宋代

靈運典會

標舉延年體裁明審夫五色相宣八音協

暢若前有

浮聲則後須切翰林補亡二句

響妙達此

有始可言久

虞摯撰文

卿洲二句

章流別集

小文心雕僅通十字

獨志王平傳平字子

均生長戎旅手不能書其所識不
過十字而口授作書皆有意理
霍光無學

光不學亡術
鎮惡方馮異
南史王鎮惡傳鎮惡孫之

開於大理
領前鋒及昭長安於湖上迎武帝帝勞之謝曰此明

公之威諸將之力鎮惡何功之有焉帝曰卿欲學馮

異耶後漢書馮異傳所止舍諸將並坐
論功異獨屏樹下軍中號曰大樹將軍
公南史宋武帝紀帝至渭濱嘆曰此地寧復有呂望

耶鄭鮮之曰明公以野日待士豈患海內無人
宋祖無學或談論進難帝時有慙而南史裴昭明傳

昭明罷郡無宅帝曰我不雞九錫等
讀書不知古人誰可比之
文皇甫松著酒孝經房中志王績著醉

鄉記困學紀聞雞九錫封浚稽山子
語鍾辭得原注何元之梁典稱議納侯景高祖曰文叔

孫皓平夫漢晉之君事殊儲盜梁主必不捨其謔號

呼以字名此由須對語鍾辭故也又按姚最梁後畧

稱高祖曰得既在我失亦在予不及子孫知復何恨
夫變我稱予五文成句求諸人語理必不然此由避
平頭上尾故也又蕭韶太清記曰溫子昇永安故事
言尔朱世隆之政沒建業也怨痛之響上徹天闕
苦之極下傷人理此皆語非簡要而徒積字成文
由趨聲對之為患也或聲從流靡或語須偶對此
為害其流甚多南史陸厥傳厥好為文章沈約謝朓
王融類相推轂汝南周顒善識聲韻皆用官商將平
上主入四聲制韻有平頭上尾腰鶴鄒五字之中
音韻悉異兩句之內角後不同世呼為永明體詩苑
類格沈約云詩病有八平頭上尾腰鶴最忌辨如臚
膝大韻小韻旁紐正紐唯上尾鶴膝最忌辨如臚
漢書酈食其傳贊高祖以征伐定天下而縉紳之徒
聘其知辯並成大業酈生自匿監門待主然後出
吃若周昌史記周昌傳高帝欲廢太子昌為人吃又
陛下即欲易太子臣曰不能言然臣期知其不可
然臣期期不奉詔文出荆州南史梁武帝紀齊南康
東昏為涪陵王以帝加征東王鎮石頭王珍國斬東
昏二年正月進帝為梁公備九錫二月進爵為王三

月丙辰齊帝下詔禪位四月辛酉宣德皇后令曰西
詔至憲章前代敬禪神器於梁明可臨軒授璽紱
書成并部通鑑渤海高得政善圖識勸高洋受禪洋
楊情山提至鄴情即召太常卿邢劭等撰儀注秘書
監魏收草九錫禪讓勸進諸文洋至鄴孝靖禪位於
齊

別傳

劉向列女傳云夏姬再爲夫人三爲王后夫爲夫人則
難以驗也爲王后則斷可知矣案其時諸國稱王唯楚
而已如巫臣諫莊將納姬氏不言曾入楚宮則其爲后
當在周室蓋周惠雖衰猶稱秉禮豈可族稱姬氏而妻
厥同姓者乎又以女子一身而作嬪三代求諸人事理

必不然。尋夫春秋之後，國稱王者有七。蓋由向誤以夏姬之生，當夫戰國之世，稱三爲王，后者謂歷嬪七國諸王，按以年代，殊爲乖刺。至於他篇，茲例甚衆，故論楚也。則昭王與秦穆同時言齊也。則晏嬰居宋景之後。今粗舉一二，其流可知。觀劉向對成帝，稱武宣行事，世傳失實，事具風俗通。其言可謂明鑑者矣。及自造洪範五行及新序說苑列女神仙諸傳，而皆廣陳虛事，多構僞辭。夫傳聞失真，書事失實，蓋事有不獲已，人所不能免也。至於故爲異說，以惑後來，則過之尤甚者矣。案蘇秦答燕易王，稱有婦人將殺夫，令妾進其藥酒，妾佯僵而覆。

之。又甘茂謂蘇代云。貧人女。與富人女會。績日無以買
燭。而子之光有餘。子可分我餘光。無損于明。此並戰國
之時。遊說之士。寓言設理。以相比興。及向之著書也。乃
用蘇氏之說。爲二婦人立傳。定其邦國。加其姓氏。以彼
烏有。持爲指實。何其妄哉。至如伯奇化鳥。對吉甫以哀
鳴。宿癘隱形于齊王。而作后。此則不附於物理者矣。復
有懷嬴失節。目爲貞女。劉安覆族。定以登仙。立言如是。
豈顧正明之有傳。孟堅之有史哉。揚雄法言。不依仲尼
之筆。非書也。自序又云。不讀非聖之書。然其撰甘泉賦。
則云。鞭宓妃云云。劉勰文心已譏之矣。然則文章小道。

無足致嗤。觀其蜀王本紀。稱杜魄化而爲鵲。荆屍變而爲鼈。其言如是。何其鄙哉。所謂非言之難。而行之難也。自戰國已下。詞人屬文。皆僞立客主。假相訓答。至於屈原離騷辭。稱遇漁父於江渚。宋玉高唐賦。云夢神女於陽臺。夫言並文章。句結音韻。以茲敘事。足驗憑虛。而司馬遷習鑿齒之徒。皆採爲逸事。編諸史籍。疑誤後學。不其甚邪。必如是。則馬卿遊梁。枚乘諧其好色。曹植至洛。宓妃觀於巖畔。撰漢魏史者。亦宜編爲實錄矣。嵇康撰高士傳。取莊子楚辭二漁父事。合成一篇。夫以園吏之寓言。騷人之假說。而定爲實錄。斯已謬矣。况此二漁父。

杜元凱撰列女記此條當連上蒲氏未及改正

若較年則前後別時。論地則南北殊壤。而輒併之爲一。豈非惑哉。苟如是。則蘇代所言。雙擒蚌鷸。伍胥所遇。渡水蘆中。斯並漁父善事。亦可同歸一錄。何止掄袂緇帷之林。濯纓滄浪之水。若斯而已也。莊周著書。以寓言爲主。嵇康述高士傳。多引其虛辭。至若神有混沌。編諸首錄。苟以此爲實。則其流甚多。至如鼃鼃競長。蛇蛇相憐。鸞鳩笑而後言。鮒魚忿以作色。向使康撰幽明錄。齊諧記。並可引爲真事矣。夫識理如此。何爲而薄周孔哉。杜元凱撰列女記。博採經籍前史。顯錄古老明言。而事有可疑。猶闕而不載。斯豈非理存雅正。心嫉邪僻者乎。君

子哉若人也。李陵集有與蘇武書。詞采壯麗。音句流靡。觀其文體。不類西漢人。殆後來所為。假稱陵作也。遷史缺而不載。良有以焉。編於李集中。斯為謬矣。

夏姬

左傳成公二年楚之討陳夏氏也莊王欲納夏姬申公巫臣曰不可君召諸侯以討罪也今納

夏姬貪其色也君

昭王秦穆同時昭王當云平王即

其圖之王乃止

中左篇秦穆女為

荆平夫人事兩引俱誤

晏嬰居宋景後

列女傳齊傷

作昭王彼篇已刊正

傷槐者刑於足衍醉而傷槐

靖景公有所愛槐令曰傷槐者刑於足衍醉而傷槐

景公且加罪焉靖懼乃造晏嬰之門曰昔者宋景公

時大旱卜以人祀景公曰必以人祀寡人請自當之

今殺靖之父鄰國皆謂君愛樹而賊人其可乎郭評

宋景公頭曼在齊景世傳失實風俗通正失成帝問

公杵臼後三十餘年文帝治天下孰與孝

宣皇帝劉向曰世之毀譽莫能得實審形者少隨聲

者多世間言文帝祭代東門期日冉中集上書囊為

惟粟一升一錢凡此皆進藥酒戰國燕策有遠為吏
從人妾傳言過其妻曰勿憂也吾已為藥酒待之矣後
歸私者憂之其妻曰勿憂也吾已為藥酒待之矣後
二日夫至妻使妾奉卮酒進之妾知其為藥酒也進
之則殺主父言之則逐主母乃陽僵棄酒列女傳周
主忠妾者周大夫妻之賤妾也大夫仕於周其妻淫
於鄰人其下分餘光史記甘茂傳貧人女與富人女
文畧與策同分餘光會續曰子可分我餘光云云列
女傳齊女徐吾者東海貧婦人也與鄰婦李吾會燭
夜織徐吾燭數不屬李吾曰請無與夜也徐吾曰云
云伯奇化鳥陳思王合禽惡鳥論昔尹吉甫用後妻
出見鳥鳴聲噉然吉甫動心曰伯勞乎乃其音尤切
吉甫曰伯勞乎是吾子棲吾與非吾子飛勿居鳥導
聲而棲於蓋腹史通所糾乃謂劉向書也而今本說
苑新序皆不見斯事曾鞏二書序云新序三十篇隋
唐之世尚為全書今可見者十篇而已說苑二十篇
崇文總目存者五篇又問得者十有三篇然則所糾
皆在亡宿癰隱形郭注宿癰無隱形事列女傳宿癰
篇數女者齊東郭探桑之女也項有大

癩故號宿癩閔王出遊百姓盡觀宿癩探桑如故王
曰奇女也遂以爲后黃本補注新序云齊有婦人極
醜無雙號曰無鹽女自請宣王曰竊嘗喜隱王曰試
一行之言未卒忽然不見宣王大驚是隱形乃無鹽
事非宿癩也按事亦見列女傳又懷羸郭注懷羸秦
謂女號鍾離春無鹽乃其邑名懷羸穆公女也初
事晉懷公閔後事晉文公重耳故劉安按漢書淮南
曰失節按列女傳不及妻晉文事劉安王訓故揚雄羽獵
誅而以爲仙去者葛洪神鞭宓妃王訓故揚雄羽獵
仙傳有之亦不見劉向書鞭宓妃王訓故揚雄羽獵
妃兮餉屈原與彭胥劉勰文心雕龍夸飾篇云子雲
按獵鞭宓妃以餉屈原變彼洛神既非罔兩而虛用
濫形不杜魄荆屍王訓故揚雄蜀王本紀云荆人隴
其疎平杜魄荆屍王訓故揚雄蜀王本紀云荆人隴
王杜宇杜宇立以爲相杜宇號望帝自以德不如隴
令以其國禪之又說文成都記云望帝死其魄化爲
鳥名曰杜鵑路史餘論隴水名也亦作漁父王逸注
鬻縣在牂牁故知幾以子雲之說爲妄漁父序漁父
者屈原之所作也漁父避俗時神女高唐賦昔者先
遇屈原怪而問之遂相應答神女王嘗遊高唐夢

一婦人去而辭曰且為朝雲暮為行雨朝朝暮暮

陽臺之下楚襄王使玉賦高唐之事又作神女賦馬

卿好色曰相如美人賦相如遊梁梁王悅之鄒陽謂之

相如子好色乎相如曰臣不好色也臣氣服於內王問

心正於懷信誓旦旦秉志不回按枚鄒互異有誤曹

植至洛曹植洛神賦余從京城言歸東藩容與平陽

一嬌人於宓妃黃補注漢書音義如淳曰宓妃二漁

嚴之昨宓妃宓義氏之女也死洛水為洛神二漁

父半有漁父者下船而來鬚眉交白被髮掄袂行原

以上距陸而止左手據鄰右手持頤以聽曲終楚辭

漁父篇漁父莞爾而笑鼓枻而去歌曰滄浪之水清

兮可以濯我纓滄浪之水濁兮擒蚌戰國燕策趙且

可以濯我足遂去不復與言擒蚌伐燕蘇代為燕

謂趙王曰臣過易水蚌方出曝而鷸啄其肉蚌蚌合而

翁其喙鷸曰今日不雨明日不雨即有死蚌蚌亦曰

今日不出明日不出即有死鷸鷸不肯相捨漁者并擒

之天祿識餘兩謂關口或改兩作雨非思謂作雨者

不惟失義渡蘆中吳越春秋伍員奔吳至江漁父渡

身深輩之中有頃父來而呼之曰蘆中人蘆中人豈

非窮士乎子胥出應食畢曰請丈人姓字漁父曰今

逢何川姓字為混沌海之帝為忽中央之帝為鯀北

鯀與忽時相遇於混沌之地混沌待之甚善鯀與忽

謀報混沌之德曰人皆有七竅以視聽食息此獨無

有嘗試鑿之曰鑿一竅七日其流甚多非之盡謂東

而混沌死按與言語篇各意其流甚多非之盡謂東

海之鼃曰吾跳梁乎井幹之水入休乎缺焚之崖此

亦至矣夫子笑不時來觀乎東海之鼃左足未人有

女記

晉書杜預傳女記十卷杜預撰在維傳類

人問不止此事會顯世教所不容此甚不可一也

必不堪者七其不可者二每非湯武而薄周孔在列

安用足哉又鴛鴦見造遙遊薄周孔自惟至熟有

日夫天機之動何可易邪吾薄周孔自惟至熟有

風蛇謂蛇曰吾以舉足行而不及子之無足何也蛇

鄰已繫於足鼃問之規規然自失也又蛇憐蛇蛇憐

女記

雜識

夫書名竹帛。物情所競。雖聖人無私。而君子亦黨。蓋易之作也。本非紀事之流。而孔子繫辭。輒盛述顏子。稱其殆庶。雖言則無媿。事非虛美。亦由視予猶父。門人日親。故非所要言。而曲垂編錄者矣。旣而揚雄寂寞。師心典誥。至於童烏稚子。蜀漢諸賢。太元法言。恣加褒賞。雖內舉不避。而情有所偏者焉。夫以宣尼叡哲。子雲參聖。在於著述。不能忘私。則自中庸以降。抑可知矣。如謝承漢書。偏黨吳越。魏收代史。盛誇胡塞。復焉足怪哉。夫所謂直筆者。不掩惡。不虛美。書之有益於褒貶。不書無損於

子雲參聖語
見論衡超奇
篇

此論最允

勸誠但舉其宏綱存其大體而已。非謂絲毫必錄。瑣細無遺者也。如宋孝王王劭之徒。其所記也。喜論人帷簿不修。言貌鄙事。訐以爲直。吾無取焉。夫載筆立言。名流今古。如馬遷史記。能成一家。揚雄太元。可傳千載。此則其事尤大。記之於傳可也。至于近代。則不然。其有雕蟲末伎。短才小說。或爲集不過數卷。或著書纔至一篇。莫不一一列名。編諸傳末。事同七畧。巨細必書。斯亦煩之甚者。子曰。齊景公有馬千駟。死之日。人無德而稱焉。伯夷叔齊餓於首陽之下。民到於今稱之。若漢代青翟劉舍位登丞相。而班史無錄。姜詩趙壹。身止計吏。而謝書

祀字一作嗣
字是

有傳卽其例也。今之修史者則不然。其有才德闕如而位宦通顯。史臣載筆。必爲立傳。其所記也。止具其生前。慰官歿後贈諡。若斯而已矣。雖其間伸以狀跡。粗陳一二。么麼恒事。曾何足觀。始自伯起魏書。迄乎皇家五史。通多此體。流蕩忘歸。史漢之風。忽焉不祀者矣。

童烏

法言問神篇育而不苗者吾家之童烏乎九齡而與我元文注童烏子雲之子也

蜀漢

諸賢

原注謂嚴李鄭司馬之徒法言問明篇蜀莊沈

莊也

居難爲也按莊卽注之所謂嚴卽嚴君平也淵

不惠

或問子蜀人也請人曰有李仲元者人也不夷

也觀

其行者穆如也問神篇答曰鄭子真不屈其志

而耕

乎嚴石之下名震於京師按答曰漢中地與所

云蜀漢

合舊作柳不知何人雄書亦無定誤君子

七

篇必也儒乎文子雲參聖本陸續述元或為集不過

麗用寡長卿也見自敘篇

數卷原注如陳書陰鏗傳云著書纔至一篇原注如

元紀云撰同姓名人列名傳末原注如梁書孝元紀

錄一卷其類是也

察傳云撰西征記辨茗酪記後魏書劉芳傳云撰周

官音禮記音齊書祖鴻勛傳云撰晉祠記凡此書或

一卷兩卷而已自餘人有文集或四青翟劉舍漢書

卷或五卷者不可勝記故不具列之

嘉傳自嘉死後開封侯陶青桃侯劉舍柏至侯許昌

平棘侯薛澤武強侯莊青翟商陵侯趙周皆躋躋廉

謹為丞相備員而已無所姜詩按後漢廣漢人姜詩

能發明功名著於世者

察孝廉拜中郎除江陽令其事范書具詩妻龐氏趙

傳中史通不徵范而徵謝蓋謝書則詩自有傳也

壹范書亦有傳

見載文篇

漢書五行志錯誤

班氏著志。抵牾者多。在於五行。蕪累尤甚。今輒條其錯誤。定爲四科。一曰引書失宜。二曰敘事乖理。三曰釋災多濫。四曰古學不精。又於四科之中。疏爲雜目。類聚區分。編之如后。

第一科

引書失宜者。其流有四。一曰史記左氏交錯相併。二曰春秋史記雜亂難別。三曰屢舉春秋言無定體。四曰書名去取所記不同。其志敘言之不從也。先稱史記周單襄公告魯成公曰。晉將有亂。又稱宣公六年。鄭公孫曼

滿與王子伯廖語欲爲卿案宣公六年自左傳所載也
大上論單襄則持史記以標首下列曼滿則遺左氏而
無言遂令讀者疑此宣公亦出史記而不云魯后莫定
何邦是非難悟進退無準此所謂史記左氏交錯相併
也志云史記成公十六年公會諸侯於周案成公者卽
魯侯也班氏凡說魯之某公皆以春秋爲冠何則春秋
者魯史之號言春秋則知公是魯君今引史記居先成
公在下書非魯史而公捨魯名膠柱不移守株何甚此
所謂春秋史記雜亂難別也案班書爲志本以漢爲主
在於漢時直記其帝號諡耳至於它代則云某書某國

君此其大例也。至如敘火不災上具春秋桓公十四年
次敘稼穡不成。直云嚴公二十八年而已。夫以火稼之
間別書漢莽之事。年代已隔。去魯尤疎。洎乎改說異端。
仍取春秋爲始。而於嚴公之上。不復以春秋建名。遂使
漢帝魯公同歸一揆。必爲永例。理亦可容。在諸異科事。
又不爾。求之畫一。其例無恆。此所謂屢舉春秋。言無定
體也。案本志敘漢已前事。多畧其書名。至於服妖章。初
云晉獻公使太子率師。佩之金玦。續云鄭子臧好爲聚
鵠之冠。此二事之上。每加左氏爲首。夫一言可悉。而再
列其名。省則都指繁則太甚。此所謂書名去取。所記不

同也

單襄公告魯史記魯世家周單襄公與晉卻緡卻鉏卻

其當曼滿語左傳宣公六年鄭公曰晉將有亂三卻

之序曼滿語左傳宣公六年鄭公曰晉將有亂三卻

在周易豐之離弗過之會於周本志史記成公十六

矣間一歲鄭人殺之會於周本志史記成公十六

喪公見晉鴈公視遠步高告公曰晉將有亂魯侯問

天道人故對曰晉非皆史焉知天道吾見晉君之容

殆必禍者也按此會史記周簡王紀及魯晉二世家

皆不載左氏成公十六年經傳亦不書其文乃在外

傳周語下卷然亦不言成公十六年但曰柯陵之會

云云是則史記成公以下十三字乃班志自撰之文

本當云國語而誤書史記也又按柯陵之盟在火嫁

成公十七年杜注柯陵鄭西地亦非會於周也火嫁

之問本志前言火失其性首舉其文曰春秋桓公十

帝未高祖原廟災明年葬居攝而止其下更端言稼

稿不成乃舉嚴公二十八年冬大水亡麥禾之文中

刑隔越甚多其前春嚴公原注嚴公即莊公也秋二字管不及此也漢避明帝諱改曰嚴珮金珮左傳閔公二年晉獻公使太子申生帥師聚鵠冠左傳公二十四年鄭子臧好聚鵠冠鄭次公惡之使盜殺之

第二科

敘事乖理者其流有五。一曰徒發首端。不副徵驗。二曰虛編古語。討事不終。三曰直引時談。竟無它述。四曰科條不整。尋繹難知。五曰標舉年號。詳畧無準。志曰左氏昭公十五年。晉籍談如周葬穆后。既除喪而燕。叔向曰。王其不終乎。吾聞之所樂必終焉。今王一歲而有三年之喪。二焉。於是乎與喪賓燕。樂憂甚矣。禮王之大經也。

一動而失二禮。無大經矣。將安用之。案其後七年。王室終如羊舌所說。此卽其效也。而班氏了不言之。此所謂徒發首端。不副徵驗也。志云。左氏襄公二十九年。晉女齊語。智伯曰。齊高子容。宋司徒皆將不免。子容專。司徒侈。皆亡家之主也。專則速。及侈則將以力斃。九月。高子出奔北燕。所載至此。更無他說。案左氏昭公二十年。宋司徒奔陳。而班氏採諸本傳。直寫片言。閱彼全書。唯徵半事。遂令學者疑正明之說。有是有非。女齊之言。或得或失。此所謂虛編古語。討事不終也。志云。成帝於鴻嘉永始之載。好爲微行。置私田於民間。谷永諫曰。諸侯夢

得田占爲失國而况王者蓄私田財物爲庶人之事乎
已下弗云成帝悛與不悛谷永言效與不效諫詞雖具
諸事闕如此所謂直引時談竟無它述者也其述庶徵
之恆寒也先云釐公十年冬大雨雹隨載劉向之占次
云公羊經曰大雨雹續書董生之解案公羊所說與上
奚殊而再列其辭俱云大雨雹而已又此科始言大雪
與雹繼言殞霜殺草起自春秋訖乎漢代其事旣盡仍
重敘雹災分散相離斷絕無趣夫同是一類而限成二
條首尾紛拏而章句錯糅此所謂科條不整尋繹難知
者也夫人君改元肇自劉氏史官所錄須存凡例案斯

志之記異也。首列元封年號。不詳漢代何君次言地節。河平。具述宣成二帝。武稱元鼎。每歲皆書。哀曰建平。同年必錄。此所謂標舉年號。詳畧無準者也。

三年之喪二

左傳昭公十五年六月王太子壽卒秋八月王穆后崩叔向曰王一歲而有三年之喪二焉注天子絕期唯服三年故后雖期通謂

之三年喪二焉注天子絕期唯服三年故后雖期通謂

而傳曰父必三年而後娶達鴻嘉永始帝鴻嘉二年

子之志也是亦有三年之義鴻嘉永始帝鴻嘉二年

行幸雲陽大司馬音上言陛下即位十五年繼嗣不

立而日夜出遊外有微行之害內有疾病之憂是時

谷永亦上疏諫按成帝十三年釐公倍公大雨雹改元鴻嘉十七年改元永始釐公倍公大雨雹今志作雪疑劉占董解為陰氣盛也公羊經大雨雹唐初本作雹劉占董解為陰氣盛也公羊經大雨雹董仲舒以為有所漸習注陰氣脅始言繼言以為大也按劉向所舉蓋左經也左無傳始言繼言以為大

雨雪及未當雪而雪及大雨雹隕霜殺草皆常寒之
罰桓公八年十月雪劉董皆有占按此一段在釐公
十年左雪公羊雪仲舒占之前又昭公四年及文帝
四景帝中六武帝元狩元元鼎二三元帝建昭二四
陽朔四等年夾志雪又定公元釐公三及武帝元光
四元帝永光元等年夾志霜又釐公二十九昭公三
及武帝元封三宣帝地節四年復志具述宣成原
雪按此三段並在釐十年志文之後
宣帝地節四年成帝河每歲皆年原注始云元鼎二
平二年其紀年號如此原注始云元鼎三年
按三年宜除同年必錄原注始云哀帝建平三年復
元鼎之號也同年必錄原注始云哀帝建平三年復
年宜云是歲而已原注始云哀帝建平三年復
不當重言其年也

第三科

釋災多濫者其流有八。一曰商摧前世。全違故實。二曰
影響不接。牽引相會。三曰敷演多端。準的無主。四曰輕

此亦一說也
溫公論理子
元論勢論理
者為萬世之
大防論勢者
諒一時之情
事或嚴或緩
義可兩存

持善政用配妖禍。五曰但伸解釋不顯符應。六曰考覈雖讜義理非精。七曰妖祥可知寢嘿無說。八曰不循經典自任胸懷。志云史記周威烈王二十三年九鼎震是歲韓魏趙篡晉而分其地。威烈王命以為諸侯。天子不恤同姓而爵其賊臣。天下不附矣。案周當戰國之世微弱尤甚。故君疑竊斧臺名逃債。正比夫泗上諸侯附庸小國者耳。至如三晉跋扈欲為諸侯。雖假王命實由己出。譬夫近代莽稱安漢。匪平帝之至誠。卓號太師。豈獻皇之本願。而作者苟責威烈以妄施爵賞。坐貽妖孽。豈得謂人之情偽盡知之者乎。此所謂商摧前世全違故

實也。志云昭公十六年九月大雩。先是昭母夫人歸氏薨。昭不戚而大蒐於比蒲。又曰定公十二年九月大雩。先是公自侵鄭歸而城中。城二大夫圍鄆。案大蒐於比蒲。昭之十一年。城中城圍鄆。定之六年也。其二役去雩。皆非一載。夫以國家恆事而坐延災眚。歲月旣遙而方聞響應。斯豈非烏有成說。扣寂爲辭者哉。此所謂影響不接。牽引相會也。志云嚴公七年秋大水。董仲舒劉向以爲嚴母姜與兄齊侯淫。共殺桓公。嚴釋父讎。復娶齊女。未入而先與之淫。一年再出。會於道。逆亂臣下賤之之應也。又云十一年秋宋大水。董仲舒以爲時魯宋比。

年有乘正鄧之戰。百姓愁怨。陰氣盛。故二國俱水。案此說有三失焉。何者。嚴公十年十一年。公敗宋師於乘正。及鄧。夫以制勝克敵。策勲命賞。而反愁怨貽災邪。其失一也。且先是數年。嚴遭大水。按其時。月殊在戰前。而云與宋交兵。故二國大水。其失二也。況於七年之內。已釋水災。始以齊女爲辭。終以宋師爲應。前後靡定。向背何依。其失三也。夫以一災示眚。而三說競興。此所謂敷衍多端。準的無主也。其釋厥咎。舒厥罰。恆燠以爲其政。弛慢失在舒緩。故罰之以燠。冬而亡冰。尋其解。春秋之無冰也。皆主內失黎庶。外失諸侯。不事誅賞。不明善惡。蠻

夷猾夏。天子不能討。大夫擅權。邦君不敢制。若斯而已矣。次至武帝元狩六年冬。亡冰。而云先是遣衛霍二將軍窮追單于。斬首十餘萬級。歸而大行慶賞。上又閔悔勤勞。遣使巡行天下。存賜鰥寡。假與乏困。舉遺逸。獨行君子。諸行在所。郡國有以爲便宜者。上丞相御史以聞。於是天下咸喜。案漢帝其武功文德也如彼。其先猛後寬也如此。豈是有懦弱凌遲之失。而無刑罰戡定之功哉。何得苟以無冰示災。便謂與昔人同罪。矛盾自己。始末相違。豈其甚邪。此所謂輕持善政。用配妖禍也。志云孝昭元鳳三年。太山有大石立。眭孟以爲當有庶人爲

天子者。京房易傳云。太山之石顛而下。聖人受命。人君
虜。又曰。石立於山。同姓爲天下雄。案此當是孝宣皇帝
卽位之祥也。夫宣帝出自閭閻。坐登宸極。所謂庶人受
命者也。以曾孫血屬。上纂皇統。所謂同姓雄者也。昌邑
見廢。謫居遠方。所謂人君虜者也。班書載此徵祥。雖具
有剖析而求諸後應。曾不縷陳敘事之宜。豈其若是。此
所謂但申解釋。不顯符應也。當春秋之時。諸國賢俊多
矣。如沙鹿其壤。梁山云崩。鴈退蜚於宋都。龍交鬪於鄴
水。或伯宗子產具述其非妖。或卜偃史過盛言其必應。
蓋於時有識君子。以爲美談。故左氏書之。不刊貽厥來

裔既而古今路阻。聞見壤隔。至漢代儒者董仲舒。劉向之徒。始別構異聞。輔巾它說。以茲後學。陵彼先賢。蓋今諺所謂季與厥昆爭知嫂諱者也。而班志尚捨長用短。捐舊習新。苟出異同。自矜魁博。多見其無識者矣。此所謂不循經典。自任胸懷也。

竊斧逃債

漢書諸侯王表敘論自幽平之後。日以陵夷。分爲二周。有逃債之臺。被竊斧之言。注

服虔曰。周赧王負責主伯責急。乃逃於此臺。後人因以名之。師古曰。鈇。鉞王者以爲威也。周衰政令不行。雖有鈇鉞。無所用之。是私竊隱藏之耳。陳書莽稱安高祖紀。九錫詔云。竊鈇逃債。容身之地。無所。莽稱安漢。漢書王莽傳。莽諷益州令塞外蠻夷獻白雉。羣臣盛稱莽功德。致周成白雉之瑞。莽有定國安漢家之功臣。賜卓號太師。後漢書董卓傳。卓徙都長安。諷號安漢公。卓號太師。朝廷使光祿勳宣璠持節拜卓。

爲太師位

二國俱水

原注謂七年魯大水也睦孟漢書睦

諸侯王上

字孟從

公受春秋爲議郎孝昭元鳳三年泰山萊

蕪山南有大石

自立孟推春秋之意以石乃陰類下

民之象泰山乃王者易姓告代之處此當有從匹夫

爲天子者霍光惡之誅後五年孝宣帝興於民間徵

孟子沙鹿壤左傳僖公十四年秋八月沙鹿崩晉卜

爲郎沙鹿壤左傳僖公十四年秋八月沙鹿崩晉卜

梁山崩左傳成公五年梁山崩晉侯以傳召伯宗

名梁山崩左傳成公五年梁山崩晉侯以傳召伯宗

崩川竭君爲之不舉降服乘縵微樂出次祝鵠退飛

幣史辭以禮焉如此而已伯宗以告而從之鵠退飛

左傳僖公十六年六鵠退飛過宋都風也周內史叔

興聘於宋宋襄公問焉曰是何祥也吉凶焉在對曰

君將得諸侯而不終退而告人曰君失問陰龍交關

陽之事非吉凶所生也此云史過傳作叔興龍交關

左傳昭公十九年鄭大水龍鬪於時門之外洎淵國

人請禁焉子產弗許曰我鬪龍不我覲也龍鬪我獨

向覲焉龍之則彼其室也吾無董劉別構異聞麓崩

求於龍龍亦無求於我乃止

穀梁曰林屬於山曰麓沙其名也劉向以爲背
亂之象齊桓霸道將廢公羊以爲沙麓河上邑也
仲舒說畧同又梁山崩穀梁曰癰河三日不流晉君
率臣哭之乃流劉向以爲山陽君也水陰民也喪亡
象也董說畧同又六鵠退蜚過宋都劉歆以爲風發
它所至宋而高鵠高蜚而逢之則退象宋襄與彊楚
爭盟後六年爲楚所執應六之數云又龍闕於鄭洧
淵劉向以爲近龍孽也鄭以小國攝平晉楚之間重
以彊吳鄭當其衝子產任政鄭卒無患能以
德消變之效也按龍之占後又見雜駁篇
諱原注今諺曰弟與兄爭嫂字以其名鄙故稱文飾之

第四科

古學不精者其流有三。一曰博引前書。網羅不盡。二曰
兼採左氏。遺逸甚多。三曰屢舉舊事。不知所出。志云庶
徵之恆風。劉向以爲春秋無其應。劉歆以爲釐十六年。

左氏傳釋六鵠退飛是也。案舊史稱劉向學穀梁。歆學左氏。既祖習各異。而聞見不同。信矣。而周木斯拔。鄭重。僨濟風之爲害。備於尚書春秋。向則畧而不言。歆則知而不傳。又詳言衆怪。厯敘羣妖。述雨鼈爲災。而不錄趙毛生地。書異鳥相育。而不載宋雀生鵲。斯皆見小忘大。舉輕畧重。蓋學有不同。識無通鑒故也。且當炎漢之代。厥異尤奇。若景帝承平。赤風如血。于公在職。亢陽爲旱。惟紀與傳。各具其詳。在於志中。獨無其說者。何哉。此所謂博引前書。網羅不盡也。案太史公書。自春秋已前。所有國家災眚。賢哲占候。皆出於左氏。國語者也。今班志

所引上自周之幽厲下終魯之定哀而不云國語唯稱
史記豈非忘本徇末逐近棄遠者乎此所謂屢舉舊事
不知所出也所定多日凡二十種但其失旣眾不可殫
論故每目之中或時舉一事庶觸類而長他皆可知又
案斯志之作也本欲明吉凶釋休咎懲惡勸善以戒將
來至如春秋已還漢代而往其間日蝕地震石隕山崩
雨雹雨魚大旱大水犬豕爲禍桃李冬花多直敘其災
而不言其應此乃魯史之春秋漢書之帝紀耳何用復
編之於此志哉昔班叔皮云司馬遷敘相如則舉其郡
縣著其字蕭曹陳平之屬仲舒並時之人不記其字或

縣而不郡。蓋有所未暇也。若孟堅此志。錯繆殊多。豈亦刊削未周者邪。不然。何脫畧之甚也。亦有穿鑿成文。強生異義。如蛾之爲惑。麋之爲迷。隕五石者。齊五子之徵。潰七山者。漢七國之象。叔服會葬。郈伯來奔。亢陽所以成妖。鄭易許田。魯謀萊國。食苗所以爲禍。諸如此比。其類宏多。徒有解釋。無足觀採。知音君子。幸爲詳焉。

木拔

見金

車債

左傳隱公三年冬庚戌鄭伯之車債於濟杜注既盟而遇大風傳記異也

欲知而不傳

傳恐常

雨

志中上天漢元年天雨白毛三年八月天雨白毛

房易傳曰

前樂後

趙毛生地

風俗通皇霸趙王遷信

憂厥妖天雨

羽

趙毛生地

秦反問殺李牧遂爲所

滅先此童謠

曰趙爲號秦爲笑以爲不

鳥相有

志中

信觀地上生

毛謠亦見史記趙世家

鳥相有

下成

帝綏和二年三月天水平襄有燕生爵哺食至大俱
飛京房易傳曰燕生爵諸侯銷一口生非其類子不
嗣宋雀生鵲王訓故賈誼新書曰朱康王時有雀生
世康王喜於是滅滕伐諸侯射天竺地滅社稷齊赤
侯伐之王逃于邠侯之館而死按卽宋王偃也
風如血有漢書孝武紀建元四年夏亢陽爲旱漢書于
父于公爲郡決曹東海太守殺孝婦郡中枯旱三年
後太守至卜其故于公曰孝婦不當死前太守彊斷
之儻在是乎於是太守祭敘災不言應願泔載春秋
孝婦冢表其墓天立大雨敘災不言應願泔載春秋
而二不言其應漢時日蝕五十三而四十不言其應
又惠帝二年武帝征和二年宣帝本始四年元帝永
光三年綏和二年武帝征和二年宣帝本始四年元帝永
又高后二年武都山崩成帝河平二年楚國雨雹大
如斧蜚鳥死成帝鴻嘉四年雨魚于信都孝景之時
大旱者二昭成二代大雨水三河平元年長安有如
人狀被甲持兵以弩擊之皆狗也又鴻嘉中狗蜮爲
與不交惠帝五年桃李花棗實皆不言其應也

惑志下上嚴公十八年秋有蛾劉向曰為蛾生南越

也越地男女同川浴亂氣所生故名之曰蛾蛾猶惑

也麋為迷色青近青祥也麋之為言迷也蓋牝獸之

淫者五石五子志下釐公十六年正月隕石于宋

也元枋齊分枋也石山物齊太嶽七山七國志下上

後五石象齊威卒而五公子作亂

年齊楚地山二十九所大發水潰出劉向曰為水沴

上天戒勿盛齊楚之君後十六年帝分齊地立悼惠

王庶子六人皆為王至景帝三年齊楚七國起兵漢

皆破之漢七國眾山潰咸被其害按文言潰七山者

七國之山叔服郕伯志中上文公二年自十二月不

皆水潰也叔服郕伯雨至於秋七月天子使叔服會

葬按事詳雜駁首條又十三年正月秦使來聘城諸及

七月先是曹杞滕來朝郕伯來奔秦使來聘城諸及

郕二年之問五國趨之易田謀萊志下上隱公八年

內城二邑坑陽失眾易田謀萊九月螟時鄭伯曰

那將易許田有貪利心京房易傳曰貪厥災蟲蟲食

根又中下桓公五年螽劉向曰為介蟲之孽易邑興

役宣公六年
為宣比再如齊謀伐萊

此條已見書
忘篇而其文
不詳故此仍
存

五行志雜駁

魯文公二年不雨。班氏以爲自文卽位。天子使叔服會
葬。毛伯賜命。又會晉侯于戚。上得天子。外得諸侯。沛然
自大。故致亢陽之禍。案周之東遷。日以微弱。故鄭取溫
麥。射王中肩。楚絕苞茅。觀兵問鼎。事同列國。變雅爲風。
如魯者。方大邦不足。比小國有餘。安有暫降。衰周使臣
遽以驕矜自恃。坐招厥罰。亢陽爲怪。求諸人事。理必不
然。天高聽卑。豈其若是也。春秋釐公十二年。日有蝕之。
劉向以爲是時莒滅杞。案釐十四年。諸侯城緣陵。公羊
傳曰。曷爲城杞。滅之。孰滅之。蓋徐莒也。如中壘所釋。當

以公羊爲本耳。然則公羊所說不如左氏之詳。左氏襄公二十九年。晉平公時。杞尙在。云春秋文公元年。日有蝕之。劉向以爲後晉滅江。案本經書文四年。楚人滅江。今云晉滅。其說無取。且江居南裔。與楚爲鄰。晉處北方。去江殊遠。稱晉所滅。其理難通。左氏傳魯襄公時。宋有女生。女子赤而毛。棄之堤下。宋平公母共姬之御者見而收之。因名曰棄。長而美好。納之平公。生子曰佐。後宋臣伊戾讒太子痤而殺之。先是大夫華元出奔晉。華合比奔衛。劉向以爲時則有火災赤眚之明應也。案災祥之作。將應後來事跡之彰。用符前兆。如華元奔晉。在成十

五年參諸棄堤。實難符會。又合比奔衛。在昭六年而與元奔俱云。先是惟前與後事並相違者焉。春秋成公五年梁山崩。七年鼯鼠食郊牛角。襄公十五年日有蝕之。董仲舒劉向皆以爲自此前後晉爲雞澤之會。諸侯盟大夫又盟。後爲溴梁之會。諸侯在而大夫獨相與盟。君若綴旒不得舉手。又襄公十六年五月地震。劉向以爲是歲三月大夫盟於溴梁。而五月地震矣。又其二十八年春無冰。班固以爲天下異也。襄公時天下諸侯之大夫皆執國權。君不能制。漸將日甚。案春秋諸國權臣可得言者。如三桓六卿田氏而已。如雞澤之會。溴梁之盟。

其臣豈有若向之所說者邪。然而穀梁謂大夫不臣諸侯失政。譏其無禮自擅。在茲一舉而已。非是如政由寧氏。祭則寡人。相承世官。遂移國柄。若斯之失也。若董劉之徒。不窺左氏。直憑二傳。遂廣爲它說。多肆妄言。仍云君若綴旒。臣將日甚。何其妄也。哀公十三年十一月。有星孛于東方。董仲舒劉向以爲周之十一月。夏九月。日在氏。出東方者。軫角亢也。或曰。角亢大國之象。爲齊晉也。其後田氏篡齊。六卿分晉。案星孛之後二年。春秋之經盡矣。又十一年。左氏之傳盡矣。自傳盡後八十二年。齊康公爲田和所滅。又七年。晉靜公爲韓魏趙所滅。上

去星孛之歲皆出百餘年辰象所經。氛祲所指若相感。應何太疎濶者哉。且當春秋既終之後。左傳未盡之前。其間衛弑君。越滅吳。魯遜越。賊臣逆子。破家亡國多矣。此正得東方之象。大國之徵。何故捨而不述。遠求他代者乎。又范與中行早從殄滅。智入戰國。繼踵云亡。輒與三晉連名。總以六卿爲目。殊爲謬也。尋斯失所起。可以意測。何者。二傳所引事終西狩獲麟。左氏所書語連趙襄滅智。漢代學者唯讀二傳。不觀左氏。故事有不周。言多脫略。且春秋之後。戰國之時。史官闕書。年祀難記。而學者遂疑纂齊分晉時與魯史相鄰。故輕引災祥用相

符會白圭之玷。何其甚歟。春秋釐公三十三年十二月。隕霜不殺草。成公五年。梁山崩。七年。魍魎食郊牛角。劉向以其後三家逐魯昭公。卒死於外之象。案乾侯之出。事由季氏。孟叔二孫。本所不預。況昭子以納君不遂。發憤而卒。論其義烈。道貫幽明。定爲忠臣。猶且無愧。編諸逆黨。何乃厚誅。夫以罪由一家。而兼云二族。以此題目。何其濫歟。左氏傳。昭公十九年。龍鬬於鄭。時門之外。洧淵。劉向以爲近龍孽也。鄭小國。攝乎晉楚之間。重以強吳。鄭當其衝。不能修德。將鬬三國。以自危亡。是時子產任政。內惠於民。外善辭令。以交三國。鄭卒亡患。此能以

德銷災之道也。春秋之十九年。晉楚連盟。干戈不作。吳雖強暴。未擾諸華。鄭無外虞。非子產之力也。又吳爲遠國。僻在江干。必略中原。當以楚宋爲始。鄭居河潁。地匪夷戾。謂當要衝。殊爲乖角。求諸地理。不其爽歟。春秋昭公十五年六月。日有蝕之。董仲舒以爲時宿在畢。晉國象也。又云。日比再蝕。其事在春秋後。故不載於經。案自昭十五年。迄於獲麟之歲。其間日蝕復有九焉。事列本經。披文立驗。安得云再蝕而已。又在春秋之後也。且觀班志編此九蝕。其八皆載董生所占。復不得言董以事後春秋。故不存編錄。再思其語。三覆所由。斯蓋孟堅之

誤非仲舒之罪也。春秋昭公九年。陳火。劉向以爲先是
陳侯之弟招殺陳太子偃師。楚因滅陳。春秋不與蠻夷
滅中國。故復書陳火也。案楚縣中國以爲邑者多矣。如
邑有宜見於經者。豈可不以楚爲名者哉。蓋當斯時。陳
雖暫亡。尋復舊國。故仍取陳號。不假楚名。獨不見鄭裨
竈之說乎。裨竈之說。斯災也。曰五年陳將復封。封五十
二年而遂亡。此其效也。自斯而後。若顓頊之墟。宛丘之
地。如有應書於國史者。豈可復謂之陳乎。

會葬賜命會戚

本志師古注。會葬。葬僖公。賜命。賜呂

之戚。變雅爲風。

命主爲瑞信也。會戚。大夫公孫敖會

衛地。變雅爲風。

遷政。遂微弱。下列於諸侯。其詩不能

左傳襄公二十九年晉侯使欒

後也而睦於晉何必疥魯以肥杞注夫杞女也伊

戾讒內師無寵楚客聘于晉過宋太子野享之伊戾

從至則欲用牲加書徵之而騶告公曰太子將華元

奔晉而左傳成公十五年華元曰吾為右師公室卑合

比奔衛華合比曰我殺之柳間之告公曰合比將納

亡人之族公逐華雞澤之會左傳襄公三年六月公

于雞澤陳成公使袁僑如會求成晉侯使和組父告

于諸侯秋叔孫豹及諸侯之大夫及陳袁僑盟陳請

服也杜注其君不來使淇梁之盟左傳襄公十六年

脩官烝于曲沃警守而下會于淇梁命歸侵田晉侯
與諸侯晏于溫使諸大夫舞曰歌詩必類于是叔孫

豹晉荀偃宋向戌衛甯殖鄭公孫政由甯氏二句左

襄公二十六年衛獻公自夷求復二傳為說襄公三

國使子鮮與甯喜相要之言也

會雞澤下即注中云云又十六年會泺梁下即注中

又曰云云又公羊會泺梁諸侯皆在是其言大夫盟

何信在大夫也

君若贅旒然

麥言唐陸贄傳麥言無驗衛弑君左

哀公十七年衛侯貞卜其繇曰如魚鼈尾衡流而方

羊裔焉公使匠久公欲逐石圃石圃因匠氏攻公公

踰于北方而墜折肱公入于戎州謂已氏曰活越滅

我我與女璧已氏曰殺女璧將焉往遂弑之

左傳哀公二十二年冬十一月越滅吳請使魯遜

吳王居而東辭曰孤老矣焉能事君乃縊

越在哀公二十七年昭子發憤左傳昭公二十五年季

闕歸平子稽顙曰苟使意如得改事君所謂生死而

肉骨也昭子從公于齊與公言公使昭子自鑄歸平

子有異志十月辛酉昭子齊鄭居河頰公為司徒問

于史伯曰王室多故余懼及焉其何所以逃之
伯對曰其濟潁河穎之間乎是其子男之國君若寄
孥與貽焉夷庚左傳成公十八年塞夷庚注吳晉往
不敢不許夷庚來之要道疏夷平地也詩序云山庚
以庚爲道也東哲補亡九蝕八占昭十五年之蝕自
詩蕩蕩夷庚物則山之九蝕八占昭十五年之蝕于
昭又有十七二十一二十二凡三蝕下至哀十四之蝕
于定則有五年十二十五凡三蝕下至哀十四之蝕
而春秋盡總九蝕也董之占陳火左傳昭公九年夏
惟哀十四無占總八占也陳火四月陳災鄭神龜
曰五年陳將復封封五十二年而遂亡陳水屬也火
水妃也而楚所相也今火出而火陳逐楚而建陳也
妃以五成故曰五年歲五及鵠火而後陳卒亡楚克
有之天之道也故曰五十二年杜預注天火曰災
陳既爲楚縣而書陳災者猶晉之梁山沙招殺偃師
麓崩不書晉災繫於所災故以所在爲名招殺偃師
左傳昭公八年經陳侯之弟招殺陳世子偃師傳陳
哀公元妃鄭姬生悼太子偃師二妃生公子留二妃
嬖留有寵屬諸司徒招哀公有廢疾招殺偃師而立
留哀公縊于徵師赴于楚楚滅陳按滅陳事見上

暗惑

夫人識有不燭。神有不明。則真偽莫分。邪正靡別。昔人有以髮繞炙。誤其國君者。有置毒於胙。誣其太子者。夫髮經炎炭。必致焚灼。毒味經時。無復殺害。而行之者。僞成其事。受之者信。以爲然。故使見咎一時。取怨千載。夫史傳敘事。亦多如此。其有道理難憑。欺誣可見。如古來學者。莫覺其非。蓋往往有焉。今聊舉一二。加以駁難。列之如左。史記本紀曰。瞽叟使舜穿井。爲匿空旁出。瞽叟與象共下土實井。瞽叟象喜。以舜爲已死。象乃止。舜宮難曰。夫杳冥不測。變化無恆。兵革所不能傷。網羅所不

視爲匿空爲
字似別穿一
穴伏匿於旁
而出不言神

怪也子元此
論似同然其
言則甚偉

能制若左慈易質爲羊劉根竄形入壁是也時無可移
禍有必至雖大聖所不能免若姬伯拘於羑里孔父阬
於陳蔡是也然俗之愚者皆謂彼幻化是爲聖人豈知
聖人智周萬物才兼百行若斯而已與夫方內之士有
何異哉如史記云重華入於井中匿空出去此則其意
以舜是左慈劉根之類非姬伯孔父之徒苟識事如斯
難以語夫聖道矣且案太史公云黃帝堯舜軼事時時
見於他說余擇其言尤雅者著爲本紀書首若如向之
所述豈可謂之雅邪又史記田敬仲世家曰田常成子
以大斗出貨以小斗收齊人歌之曰姬乎采芑歸乎田

成子難曰。夫人既從物。故然後加以易名。田常見存。直
遽呼以諡。此之不實。明然可知。又案左氏傳。石碣曰。陳
桓公方有寵於王。史記家令說。太上皇曰。高祖雖子。人
主也。諸如此說。其例皆同。然而事由過誤。易爲筆削。若
田氏世家之論成子也。乃結以韻語。纂成歌詞。欲加刊
正。無可釐革。故獨舉其失。以爲標冠云。又史記仲尼弟
子列傳曰。孔子既歿。有若狀似孔子。弟子相與共立爲
師。師之如夫子。他日弟子進問曰。昔夫子當行使弟子
持雨具。已而果雨。商瞿年長無子。母爲取室。孔子曰。瞿
年四十後當有五丈夫子。已而果然。敢問夫子何以知

此有若嘿然無應弟子起曰有子避此非子之坐也難
曰孔門弟子七十二人柴愚參魯宰言游學師商可方
回賜非類此並聖人品藻優劣已詳門徒商榷臧否又
定如有若者名不隸於四科舉無偕於十喆逮尼父旣
歿方取爲師以不答所問始令避坐同稱達者何見事
之晚乎且退老西河取疑夫子猶使喪明致罰投杖謝
愆何肯公然自欺詳相策奉此乃童兒相戲非復長老
所爲觀孟軻著書首陳此說馬遷裁史仍習其言得自
委巷曾無先覺悲夫又史記漢書皆曰上自雒陽南宮
從複道望見諸將往往相與坐沙中語上曰此何語留

侯曰陛下所封皆故人親愛所誅皆平生讐忌此屬長
誅故相聚謀反爾上乃憂曰爲之奈何留侯曰上平生
所憎誰最甚者上曰雍齒留侯曰今先封雍齒以示羣
臣羣臣見雍齒封則人人自堅矣於是上置酒封雍齒
爲侯難曰夫公家之事知無不爲見無禮於君如鷹鷂
之逐鳥雀案子房之少也傾家結客爲韓報讐此則忠
義素彰名節甚著其事漢也何爲屬羣小聚謀將犯其
君遂嘿然杜口侯問方對倘若高祖不問竟欲無言者
邪且將而必誅罪在不測如諸將屯聚圖爲禍亂密言
臺上猶懼覺知羣議沙中何無避忌爲國之道必不如

斯然則張良慮反側不安。雍齒以嫌疑受爵。蓋當時實有其事也。如復道之望。坐沙而語。是說者敷演妄溢其端耳。又東觀漢記曰。赤眉降後。積甲與熊耳山齊云云。難曰。案盆子既亡。棄甲誠眾。必與山比峻。則未之有也。昔大誓云。前徒倒戈。血流漂杵。孔安國曰。蓋言之甚也。如積甲與熊耳山齊者。抑亦血流漂杵之徒歟。又魏志注語林曰。匈奴遣使人來朝。太祖令崔琰在座而已。握刀侍立。既而使人問匈奴使者曰。曹公何如。對曰。曹公美則美矣。而侍立者非人臣之相。太祖乃追殺使者云云。難曰。昔孟陽臥床。詐稱齊后。紀信乘車。矯號漢王。或

主遘屯蒙或朝罹兵革故權以取濟事非獲已如崔琰
本無此急何得以臣代君者哉且凡稱人君皆慎其舉
措况魏武經綸霸業南面受朝而使臣居君座君處臣
位將何以使萬國具瞻百寮僉囑也又漢代之於匈奴
其爲綏撫勤矣雖復賂以金帛結以親姻猶恐虺毒不
悛狼心易擾如輒殺其使者不顯罪名復何以懷四夷
於外蕃建五利於中國且曹公必以所爲過失懼招物
議故誅彼行人將以杜茲謗口而言同綸綽聲遍寰區
欲益而彰止益其辱雖愚暗之主猶所不爲况英略之
君豈其若是夫芻蕘鄙說閭巷譌言凡如此書通無擊

難而裴引語林斯事編入魏史注中持彼虛詞亂茲實錄蓋曹公多詐好立詭謀流俗相欺遂爲此說故特申摛撫辯其疑誤者焉又魏世諸小書皆云文鴛侍講殿瓦皆飛云云難曰案漢書云項王叱咤懼伏千人然則呼聲之極大者不過使人披靡而已尋文鴛武勇遠慙項籍况侍君側固當屏氣徐言安能檐瓦皆飛有踰武安鳴鼓且瓦旣飄隕則人必震驚而魏帝與其羣臣焉得歸然無害也又晉陽秋曰胡質爲荊州刺史子威自京都省之見父十餘日告歸質賜絹一疋爲路糧威曰大人清高不審於何得此絹質曰是吾俸祿之餘難曰

此自漢文然
天下實有此
一種人

古人謂方牧爲二千石者以其祿有二千石故也。名以定體貴實甚焉。設使廉如伯夷介若黔敖。苟居此職終不患於貧餒者。如胡威之別其父也。一縑之財猶且發問。則千石之俸其費安施。料以牙籌推以食箸。察其厚薄。知不然矣。或曰。觀諸史所載。茲流非一。必以多爲證。則足可無疑。然人自有身。安弊緼口甘麤糲而多藏鏹帛。無所散用者。故公孫宏位至三公而臥布被。食脫粟飯。汲黯所謂齊人多詐者是也。安知胡威之徒。其儉亦皆如此。而史臣不詳厥理。直謂清白當然。繆矣哉。又新晉書阮籍傳曰。籍至孝。母終。正與人圍碁。對者求止。籍

畱與決。旣而飲酒二斗。舉聲一號。吐血數升。及葬。食一
蒸。狔飲二斗酒。然後臨穴。直言窮矣。舉聲一號。因復吐
血數斗。毀瘠骨立。殆致滅性。難曰。夫人才雖下。愚識雖
不肖。始亡天屬。必致其哀。但有苴絰未幾。悲荒遽輟。如
謂本無戚容。則未之有也。况嗣宗當聖善將歿。閔凶所
鍾。合門惶恐。舉族悲咤。居里巷者。猶停舂相之音。在鄰
伍者。尙申匍匐之救。而爲其子者。方對局求決。舉杯酣
暢。但當此際。曾無感惻。則心同木石。志如梟獍者。安有
旣臨泉穴。始知摧慟者乎。求諸人情。事必不爾。又孝子
之喪親也。朝夕孺慕。鹽酪不嘗。斯可至於癯瘠矣。如甘

持論公允切
中事情

旨在念則筋肉內寬。醉飽自得。則肌膚外博。況乎溺情
狔酒。不改平素。雖復時一嘔慟。豈能柴毀骨立乎。蓋彼
阮生者。不修名教。居喪過失。而說者遂言其無禮。如彼
又以其志操本異。才識甚高。而談者遂言其至性如此。
惟毀及譽。皆無取焉。又新晉書王祥傳曰。祥漢末遭亂。
扶母攜弟。覽避地廬江。隱居三十餘年。不應州郡之命。
母終。徐州刺史呂虔檄爲別駕。年垂耳順。覽勸之。乃應
召。于時寇賊充斥。祥率勵兵士。頻討破之。時人歌曰。海
沂之康。實賴王祥。年八十五。太始五年薨。難曰。祥爲徐
州別駕。寇盜充斥。固是漢建安中。徐州未清時事耳。有

魏受命凡四十五年。上去徐州寇賊充斥。下至晉太始五年。當六十年已上矣。祥於建安中年垂耳順。更加六十載。至晉太始五年薨。則當年一百二十歲矣。而史云年八十五。薨者何也。如必以終時實年八十五。則爲徐州別駕。止可年二十六矣。其未從官已前。安得復有三十餘年乎。必謂祥爲別駕在建安後。則徐州清晏。何得云于時寇賊充斥。祥率勵兵士。頻討破之乎。求其前後。無一符會也。凡所駁難。具列如右。良由作者情多忽略。識惟愚滯。或採彼流言。不加銓擇。或傳諸繆說。卽從編次。用使真僞混淆。是非參錯。語曰。信書不如無書。蓋

為此也。夫書彼竹帛，事非容易。凡為國史，可不慎諸。

髮繞炙

王訓故：韓非子文公之時，宰臣上炙而髮繞之。文公召宰夫而譙之，宰夫頓首再拜曰：「奉

下得微有娥臣者乎？」公乃召堂下而譙之，罪也。堂毒胙

左傳：僖公四年，晉太子申生祭于曲沃，歸胙于公公

田置之宮。六日，公至毒而獻之。公祭之，地墳與夫

大驚，與小臣小臣亦斃。姬泣曰：「賊出太子。」匿空旁出

杜注：毒酒經宿輒敗，而經六日，明公之惑。匿空旁出

史記：虞本紀注正義曰：言舜潛匿穿空旁，從他井而

出也。括地志云：舜井在嫫州懷戎縣西，外城其西，又

有一井，背舊傳云：並舜井也。左慈易質見採劉根竄

舜自中出。按此等皆出傳會。左慈易質撰篇：劉根竄

形。後漢書方術傳：劉根隱嵩山，諸好事者就根學道

頗能令人見鬼。祈曰：促召之。根於是左顧而嘯，有頃

祈之亡父祖近親皆反縛向根叩頭曰：「小兒無狀，祈

驚懼悲哀，頓首流血，根嘿而

田常成子。史記：田齊世

不應，忽然俱去，不知在所。

如齊以陳氏爲田氏五世孫田釐子乞事齊景公其
收賦稅於民以小斗受之于民以大斗由是田氏得
齊衆心宗族益彊乞卒子常代立是爲田成子齊簡
公立田常脩釐子之政齊人歌之云云常卒諡爲成
子按史綴後陳桓有寵語見左傳高祖雖子語見史
句尤露皎綻陳桓有寵隱公四年高祖雖子記高祖
紀西河取疑檀弓子夏喪其子而喪其明曾子弔之
於西河之上使西河之民疑女於夫子洙泗之間退而老
子夏投其杖而拜曰吾過矣吾過矣鄭注言有師而
不稱師也疏使西河疑與夫子相似雍齒史記留侯
皇氏言疑子夏是夫子之身非也與我故數嘗辱我我欲殺之爲功多故不忍知無不
與我故數嘗辱我我欲殺之爲功多故不忍又封爲什方侯注括地志云益州什邡縣
爲左傳僖公九年晉荀息曰鷹鷂之逐左傳文公十
出言僕將而必誅公羊傳莊公三十二年公子牙今
之語將而必誅將南辭曷爲與親弑者同君親無
將將而赤眉盆子後漢書劉盆子者太山式人城陽
誅焉景王章之後現邪人樊崇起兵於

莒王莽遣廉丹王匡擊之崇恐其累與莽兵亂乃皆
朱其眉相識別由是號曰赤眉赤眉將兵西求劉氏
共尊立之遂立盆子為帝白號建始元年人更安城
更始來降赤眉貪財物出大掠時三輔飢引而東歸
光武要其還路赤眉驚乞降曰盆子將百萬眾降
陛下何以待之帝曰待女以不死耳樊崇乃將盆子
兩祖降積兵甲宜陽崔季珪魏志崔琰傳琰字季珪
城西與熊耳山齊崔季珪清河人為東西曹掾屬
遷中尉聲姿高暢眉目疏朗鬚長四尺甚有威重朝
士瞻望而太祖亦敬憚焉按語林事亦見世說容止
篇魏武將見匈奴使自以形陋使崔季珪代帝自捉
刀立牀頭云云匈奴使曰牀頭捉刀人乃英雄也
孟陽臥牀左傳莊公八年齊侯田于只邱墜車反徒
中遂入殺孟陽于紀信乘靈史記項羽本紀漢王食
牀曰非君也不類紀信乘靈史記項羽本紀漢王食
楚兵四面擊之紀信乘黃屋車備左肅曰漢王降楚
皆吁萬歲漢王與數十騎從西門出項王見紀信問
漢王安在信曰已出文鴛按文鴛有二一在魏高貴
矣項王燒殺紀信

晉末遼西鮮卑段務勿塵子四碑弟也文乃指魏時
者通鑑高貴正元二年為夜襲司馬師營甘露三年
降於司馬昭晉書景帝紀為勇冠三軍景帝日有瘤
割之為來攻驚而目出即其人也小書侍講事無考
武安鳴鼓史記廉藺傳秦伐韓軍於關與王合趙奢
鼓噪勒兵武胡質並子威晉書良史傳胡威字伯武
安屋瓦盡振胡質並子威父質以忠清著稱仕魏至
征東將軍荆州刺史威早厲志尚質之為荊州也云
云與晉陽秋畧同威歷徐州刺史入朝武帝語平生
日卿就與父清對曰臣父清恐人介若黔敖檀弓齊
知臣清恐人不知是臣不及遠也介若黔敖大飢黔
敖為食於路有餓者質貿然來黔敖曰嗟來食曰予
惟不食嗟來之食以至於斯也按介常屬餓者文似
誤恐當作黔步法言重黎篇或問賢曰顏淵黔婁皇
甫謚高士傳黔婁死妻以康為謚曾子曰先生食不
充膚衣不益形何樂而為康妻曰昔君嘗賜粟三千
鍾先生辭不受甘天下之淡味求仁而得仁諡為康
不亦宜乎亦史載非一原注引張吳二事按後漢書
見列女傳張堪傳堪在蜀公孫述破珍

寶足富十世而堪去職之日棄折轅車布破囊而已
晉書良吏傳吳隱之將嫁女謝石知其貧素令助廚
帳使至方見婢牽犬布被脫粟漢書公孫宏傳汲黯
賣之此外蕭然無辦布被脫粟曰宏位三公奉祿甚
多然為布被此詐也又宏身食一肉脫粟飯西京雜
詔宏故人高賀告人曰公孫內服貂蟬外衣麻象內
廚五鼎外膳一肴豈可示天下於是朝廷疑阮籍見
其矯焉宏開之歎曰寧逢惡賓勿逢故人阮籍史
官篇按晉書阮籍傳始致滅性之下云裴楷往弔之
籍散髮箕踞醉而直視楷弔嘖里便去或問曰籍既
不哭君何為禮楷曰阮籍方外之士我俗中之春相
人時人歎為兩得愚謂此一段語乖誕尤甚
種已鄰有喪春不相哭更記商君傳趙良曰五穀大
夫死秦國男女流涕童子不歌謠春者不相杵王
祥晉書王祥傳祥字休徵琅琊臨沂人繼母朱氏不
祥慈每使掃除牛下祥愈恭敬母嘗欲生魚冰凍忽
解雙鯉躍出母又思黃雀炙黃雀數十入沂除寇賊
其幙鄉里稱為孝感焉漢末遭亂云云沂除寇賊
建安初年則有呂布袁術之亂是在魏之初起至高
貴鄉公時則有母正儉文欽諸葛誕等據淮陽檄討

司馬氏事是在魏之末造按祥傳爲徐州別駕在呂
時袁等事後從討母止儉是爲司隸校尉時非爲別駕

忤時

確是媼字用
史記文也子
元吉之臣子
決不敢用也
王母事一本
作媼非

漢詩禮
云云即接求
退日不應分
節

孝和皇帝時。韋武弄權。母媼預政。士有附麗之者。起家而綰朱紫。予以無所傳會。取擢當時。會天子還京師。朝廷願從者。眾。予求番次。在大駕後。發日因逗畱不去。守司東都。杜門却掃。凡經三載。或有譖予躬爲史臣。不書國事。而取樂正園。私自著述者。由是驛召至京。令專執史筆。于時小人道長。綱紀日壞。仕於其間。忽忽不樂。遂與監修國史蕭至忠等諸官書求退曰。僕叨聞詩禮。長涉藝文。至於史傳之言。尤所耽悅。尋夫左史。右史。是曰春秋。尚書。素王素臣。斯稱微婉。志晦兩京。三國。班謝陳

習聞其謬。中朝江左王陸干孫紀其慝。劉石僭號。方策委於和張。宋齊應錄。惇史歸於蕭沈。亦有汲冢古篆。禹穴殘編。孟堅所亡。葛洪刊其雜記。休文所缺。荀綽裁其拾遺。凡此諸家。其流蓋廣。莫不墮彼泉藪。尋其枝葉。原始要終。備知之矣。若乃劉峻作傳。自述長於論才。范曄爲書。盛言矜其贊體。斯又當仁不讓。庶幾前哲者焉。然自策名仕伍。待罪朝列。三爲史臣。再入東觀。竟不能勒成國典。貽彼後來者何哉。靜言思之。其不可有五故也。何者。古之國史。皆出自一家。如魯漢之丘明。子長。晉齊之董狐。南史。咸能立言不朽。藏諸名山。未聞藉以眾功。

方云絕筆。唯後漢東觀大集羣儒著述無主條章靡立。由是伯度譏其不實。公理以爲可焚。張蔡二子糾之於當代。傅范兩家嗤之於後葉。今者史司取士。有倍東京人。自以爲荀袁家。自稱爲政駿。每欲記一事。載一言。皆閣筆相視。含毫不斷。故頭白可期。而汪青無日。其不可一也。前漢郡國計書。先上太史。副上丞相。後漢公卿所撰。始集公府。乃上蘭臺。由是史官所修。載事爲博。爰自近古。此道不行。史官編錄。唯自詢採。而左右二史。關注起居衣冠百家。罕通行狀。求風俗於州郡。視聽不該。討沿革於臺閣。簿籍難見。雖使尼父再出。猶且成於管窺。

况僕限以巾才。安能遂其博物。其不可二也。昔董狐之書法也。以示於朝。南史之書弒也。執簡以往。而近代史局。皆通籍禁門。深居九重。欲人不見。尋其義者。蓋由杜彼顏面。防諸請謁故也。然今館中作者。多士如林。皆願長喙。無聞齟齬。舌饒有五。始初成一字。加貶言。未絕口。而朝野具知。筆未栖毫。而摺紳咸誦。夫孫盛實錄。取嫉權門。王劭直書。見譽貴族。人之情也。能無畏乎。其不可三也。古者刊定一史。纂成一家。體統各殊。指歸咸別。夫尚書之教也。以疏通知遠為主。春秋之義也。以懲惡勸善爲先。史記則退處士而進姦雄。漢書則抑忠臣而飾主

國○斯○直○據○時○得○失○之○列○良○史○是○非○之○準○作○者○言○之○詳○矣○
項○史○官○注○記○多○取○稟○監○修○楊○介○公○則○云○必○須○直○詞○崇○尙○
書○則○云○宜○多○隱○惡○十○羊○九○牧○其○合○難○行○一○國○三○公○適○從○
何○在○其○不○可○同○也○竊○以○史○置○監○修○雖○古○無○式○尋○其○名○號○
可○得○而○言○夫○言○監○者○蓋○總○領○之○義○耳○如○創○紀○編○年○則○年○
有○斷○限○草○傳○敘○事○則○事○有○豐○約○或○可○略○而○不○略○或○應○書○
而○不○書○此○刊○削○之○務○也○屬○詞○比○事○勞○逸○宜○均○揮○鉛○奮○墨○
勦○情○須○等○某○表○某○篇○付○之○此○職○某○傳○某○志○歸○之○彼○官○此○
銓○配○之○理○也○斯○並○宜○明○立○科○條○審○定○區○域○儻○人○思○自○勉○
則○書○可○立○成○今○監○之○者○既○不○指○授○修○之○者○又○無○遵○奉○用○

使爭學苟且務相推避坐變炎涼徒延歲月其不可五也凡此不可其流實多一言以蔽三隅自反而時談物議安得笑僕編次無聞者哉比者伏見明公每汲汲於勸誘勤勤於課責或云積籍事重努力用心或云歲序已淹何時輟手切以綱維不舉而督課徒勤雖威以刺骨之刑勸以懸金之賞終不可得也語曰陳力就列不能者止所以比者有懷知己愿抵羣公屢辭載筆之官願罷記言之職者正爲此爾當今朝號得人國稱多士蓬山之下良直差肩芸閣之中英奇接武僕既功虧刻鵠筆未獲麟徒殫太官之膳虛索長安之米乞已本職

還其舊居多謝簡書請避賢路唯明公足下哀而許之
至忠得書大慙無以酬答又惜其才不許解史任而宗
楚客崔湜鄭愔等皆惡聞其短共讐嫉之俄而肅宗等
相次伏誅然後獲免於難

肅至忠

唐書肅至忠傳至忠同中書門下平章事以

書令主謀逆至忠通入南山捕誅之至忠外方直而

內無守因武三思得中丞附安樂主為宰相併唐書

代章巨源為侍中仍依舊脩史按巨源傳云至

忠仍舊監脩國史則此云脩史即謂監脩也素王

素臣家語齊大史子餘歟美孔子曰天其素王之乎

序說者謂仲尼自衛反魯脩春秋立素王巨明為素

臣答曰異乎余所聞子路欲使門人為臣孔子以為

欺天而云仲尼素王葛洪雜記晉書葛洪傳洪著述

正明素臣非通論也葛洪雜記不輟抄五經史漢百

家之言力校雜荀綽拾遺按隋書經籍志宋拾遺上

事三百一十卷亦云謝拾沈遺東觀羣儒詳漢書家伯度譏其不實

此處作荀綽誤華陽國志李法字伯度恒帝時為侍中數表官官太

盛椒房太東史官記事無實錄之才虛相褒廼必為

後公理以為可焚後漢書仲長統字公理博涉

笑憤歎息著論名昌言凡二十篇王劭見晉書紀

又作詩見志曰百家雜碎請用王劭見晉紀

文粹云王韶直書見晉書王韶之為晉史敘王

珣貨殖王族作亂珣子宏庶子華皆貴韶之懼為所

陷深附結徐傳等當從文粹按唐書亦作王韶然

觀史通於敘事曲筆等篇及雜說中北齊隋史等節

果累言王劭直書犯時楊介公唐書楊再思傳再思

忌從本文作劭亦合楊介公為人佞而智張昌宗

坐事武后問昌宗於國有功乎再思言昌宗為陛下

治丹餌而愈此為有功戴合言賦而腳狐譏之中宗

立拜中書令宗尙書唐書宗集客傳是客字叔放武

監脩國史后從婢子何鳳閣鸞臺平章事

韋后安樂公主親信之與紀處訥爲黨世號宗紀
其敗誅楚客目於權利官誡陳延禧陳符命以媚帝
日陛下承母禪周唐一統
而幾本傳楚客亦領監脩

史通削繁卷四終

嘉應廩生陳士基校